

4. maj 2022

UPA 2022/44

Nunatta nunatut timersornikkut unammersuarterfissaa pillugu suleqatigiissitap misissuina UKA2019/32-imi inatsisartut aalajangiussaata naammasseqqullugu minissuinerullu inerniliussai saqqummiuteqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suleqatigiissitap suliai kingusinnerpaamik UPA2023 nallertinnagu saqqummiunneqassapput.

(Inatsisartunut ilaasortaq Anders Olsen, Siumut)

Inatsisartuni ilaasortap Anders Olsen Siumut siunnersuutaa Siumumiik imaattumik oqaaseqarfigissuarput.

Siunnersuuteqartup 2019-imi qaqqippaa, nunarput nunatut timersornikkut unammersuarterfittarnissaa siunertaralugu suleqatigiissitamik pilersitsisoqassasoq, suleqatigiissitap suliasaralugu aningaasalersuinissamut modelit assigiinngit saqqummiutississalluni aammalu avataanit aningaasalersuinissamut periarfissarsiornissaq siunertaralugu. Taamani siunnersuut Inatsisartuni akuersissutigineqarpoq aaliangiunneqarporlu suleqatigiissitap suliani UKA2021 saqqummiutissagaa, tamannali sulii piviusunngunngilaq ilaatigut qinersisoqarnikuunera pissutaalluni.

Siunnersuut qaqqinneqaqqaarmalli Siumumiik tamakkiisumik tapersensorparput nunattami timersornikkut annertuumik ineriartoqqinnissaa angisuumillu anguniagaqarneq tapersensorluinnaratsigu. Taamaattumik Naalakkersuisut siunnersuutip ingerlaqqinnissaanik tapersiinerat Siumumiik nuannaarutigaaqarput qilanaarpugullu UPA2023-mi suleqatigiissitap saqqummiussinissaanut.

Siumumiik taamatut oqaaseqarluta siunnersuut tamakkiisumik taperseqqipparput ataatsimiititaliamilu akuersaartumik suliarineqarnissaa innersuullugu.

Doris J. Jensen, Siumut